

組別: 廣東話學生組亞軍

學校: 聖公會仁立小學

人數: 4名

劇本: 路加福音22章31-71節

旁白: 有一天, 小漢獨自坐在公園裡, 勁唔開心。有一位滿面鬍子的叔叔慢慢行近,

(背景唱 *Shalom my friend, Shalom my friend, Shalom Shalom...*)

叔叔溫柔地問:「小朋友, 點解你個樣咁唔開心呀?」

小漢:「唉! 唔好提, 我剛剛同一個最好嘅 friend 鬧交囉!」

叔叔:「究竟咩事呀? 介唔介意同我分享吓?」

小漢:「我哋一齊參加田徑比賽, 佢應承會一齊練習, 但佢靜雞雞去搵一個教練自己練, 但佢飛起我! 得番我孤伶伶。」

叔叔:「咁你諗住點?」

小漢:「佢咁樣出賣我, 唔想再同佢做 friend。」

叔叔:「都合理, 不過有無諗吓其他方法呢?」

小漢:「點樣可以開心啲呀?」

叔叔:「不如我講吓我一啲經歷畀你聽啦!」

小漢:「無所謂!」

叔叔:「我其實係一個師傅, 會收徒弟, 一共收咗十二個入室弟子, 其中一個超鍾意我, 是我 super fans. 有一次我的 “Die Hard” Fans 話:

Peter:『師傅! 你知我有幾愛你, 無論你去坐監, 甚至死, 我都會兩脇插刀, 赴湯蹈火, 同你一齊去!』

叔叔: 但係 有一日我比班官兵捉咗, 佢雖然一路跟住我, 但係當有個婢女問:

婢女:「呢個咪係耶穌個個 “Die Hard” Fans?」

叔叔: 佢即刻話

Peter:「你講乜呀, 我根本唔識佢!」

叔叔: 轉頭另一個人話

男人:「你肯定係耶穌個 friend」

叔叔: 佢即刻反駁

Peter:「唔係呀! 我唔係佢個 friend 嘞! 識都唔識, friend 你個頭!」

叔叔: 再過多一個鐘, 又有一個女人好肯定咁話

女人:「呢個肯定係耶穌個班朋友, 佢哋係同鄉!」

Peter:「你講咩? 我根本唔知你講咩? 又唔同姓, 又唔同名, 親咩戚, 同咩鄉呀?」

叔叔: 你知道嗎! 佢呢頭講完, 個頭隻雞就啼!」

小漢 (氣憤):「乜佢咁無義氣! (慚慢……) 你啱啱講完個故事, 我好似係教會主日學聽過, 當時導師仲擺住本漢語聖經協會出版嘅新譯本講添, 原來現實真係會有發生。」

叔叔:「仲未算, 你知唔知點解我被人捉? 係因為有一個跟咗幾年嘅徒弟為咗三十蚊搵人捉我, 捉我時仲用親咀為記號。」

小漢:「嘩! 有無離譜啲? 咁你點樣做?」

叔叔:「饒恕佢哋!」

小漢 (非常驚訝):「吓! 無可能, 明明係佢錯! 點可能原諒呀! 你真係好偉大!」

旁白: 叔叔帶著微笑慢慢走了。

(背景唱: *Though it makes Him said and see the way we live, He'll always say "I forgive."*)